

玻璃塔配水泥底座，配香妃草及多肉植物「不死鳥」，可放陽光下照射，粗生。\$240




text | Ceila photo | May edit | Edmundo art | dz

水泥盆栽 湊工業風

咪以為水泥就係植物殺手，灰色嘅器皿一樣可以種出處處生機，仲好啱長期坐喺 Office 嘅你我他。上水蕉徑村一處優閒村，同時係專門設計家居綠化裝置嘅 Greenology 大本營，設計師鄧家騏 (Andy) 在此打造每個獨一無二手水泥植物盤，擺喺枱面，又型又 raw。

水泥盆不種花

Andy 指水泥盆主要種植水種及多肉植物，不建議種花，易於打理。



水泥底座陶瓷花器，配黃金葛，外型似苔玉球充滿禪味。\$160



方形水泥花器，配野草「紫蝴蝶」，粗生但紫得漂亮。\$240 (水泥盆)、\$40 (植物)



水泥自動吸水花器 (小)，配吊竹梅，自動吸水設計讓泥土保持濕潤，但又不會積水。\$160

抗水性強 淋水方便

工業風大熱，水泥色粗糙冷酷，一配綠色植物即刻 warm 返。Andy 從前在美國修讀 Green Design，他指水泥石屎等物料在當地建築設計擔當重要角色，「美國地方溫差大，水泥牆日頭吸熱、夜晚可以釋放熱力，減少消耗能源。」至於香港，話明係石屎森林，長駐室內但又想多啲綠色植物，「水泥盆抗水性強，唔怕滲水，喺工作枱上淋水都方便啲。」城市人，一句到尾要方便，仲要型。



每個水泥盆顏色都深淺不同，唔會撞盆。



矽膠模具生產出來的產品更光滑，Andy 笑稱就像焗蛋糕。



聖誕將至，新年又嚟，Kevin 每日埋首工作室努力趕貨。

溝漿倒模打磨 紋理獨一無二

日本、台灣早已興起水泥盆栽的綠化設計，香港起步慢了一點，不過 Andy 指自己受國際建築大師安藤忠雄影響，大師最愛以混凝土作建築設計材料，水泥植物共融的不可能性，變成了可能。

Andy 說製造水泥盆好似焗蛋糕一樣，先溝漿、倒模，再人手打磨、上油，負責工匠還有他的表弟 Kevin，「溫度唔同又要調校溝漿時的水份，所以即使用同一桶水泥，唔同時間倒模顏色都有變化，每個都獨一無二。」

摸落粗糙的水泥表面，最後要經過打磨先至係完成品，raw 得溫柔。同陶瓷花盆不同，水泥物料免燒，只需放在乾爽處慢慢凝固，諗落慳返能源叫做環保啲。🌱

Greenology • 發售地點：海港城 Page one、台灣網購平台 Pinkoi、etsy 網站及官網可訂購 • 網站：www.greenology.com.hk | Greenology

Greenology 設計師
鄧家騏 Andy

